

200 հոգի սպանւած ու վիրաւոր: Սպանւեց տեղակալ Տիւրչէյււը, գերի ընկան փոխ-գլխ. Յակոբեանը և Չրդ թեթև մարտկոցի պետ տեղակալ Բազրատունին: Թշնամու ձեռքն անցան Չրդ թեթև մարտկոցի 2 թնդանօթները, որոնց վարիչները մինչև վերջ ցոյց տւին հերոսական դիմադրութիւն և հեռացան թնդանօթները անգործածելի դարձնելուց յետոյ:

Դեկտ. 29-ին օգնութեան հասաւ զնդ. Տիմչենկօն, որ ընդունեց աջ թևի ընդհանուր հրամանատարութիւնը՝ խնդիր ստանալով հսկողութեան տակ առնել № 2660 և Ղըզըլ-Կայա բարձունքներից դէպի հիւսիս գտնուող տարածութիւնը և, եթէ վրացիները Շուլաւերի դիրքերից հեռանան, արեւելքից անցնել նրանց թիկունքը, շարժւելով դէպի Աչաղա-Սարայլ ու սերտ կապ պահելով Կորոլկովի հետ՝ ապահովել աջ թևը: Կենտրոնի՝ Կորոլկովի գորամասին՝ բաղկացած 4րդ զնդի 10 վաշտից, միլիցիոն զնդի 4 վաշտից, Չրդ դիվիզիոնի 2 հարիւրեակից, Չրդ զնդի 1 գումարտակից, 7րդ լեռնային մարտկոցի 2 թնդանօթից ու 1 զրահասպատ գնացքից՝ հրամայւեց յամառ կերպով պաշտպանել Դամիա-Սաղախլու գիծը՝ Խոթոննիում կենտրոնացնելով 4րդ գունդը, առաջաւոր մասերը պահելով Դամիա գիւղում և աջից կապ ունենալով Տիմչենկոյի թևի հետ: Վերջինիս նոր հրաման տրւեց՝ ամուր կերպով պահել Սաղախլուի մօտի երկաթուղադձից 2660 բարձունք — Քերփիլի գիւղ գիծը: Չրդ զնդի մէկ գումարտակը թողնւեց պահեստում ձոճկան գիւղի մօտ:

Մինչ կենտրոնում և աջ թևում կատարուում էին այս դէպքերը, ձախ թևից երեք օր շարունակ լուր չստացւեց. զնդ. Տէր-Նիկողոսեանը բոլորովին կտրւել էր ընդհանուր հրամանատարութիւնից: Յետոյ պարզւեց, որ Նրդ գունդը բռնւած էր բժաւոր տիֆով, հիւանդացել էին և զնդ. Տէր-Նիկողոսեանը ու իր սպայակոյտի սպաները: Այդ պատճառով կարելի չէր եղել կատարել ստացւած հրամանը, որով կարգադրուում էր գրաւել Եկատերին-Փելլը—Բոնինս-Խաչէն գիծը և 4րդ զնդի հետ միասին շարժւել դէպի Արախլու: Հակառակ պարագային, եթէ կռիւները գնան անյաջող, ամուր պահել Մեծ-Դումանիս—Բոնինս-Խաչէն ճակատը: Այս հրամանը զնդ. Տէր Նիկողոսեանը չէր կարողացել կատարել, և այդ ծանր անդրադարձում ունեցաւ յետագայ գործողութիւնների վրա:

Դեկտ. 30-ի առաւօտեան վրացիները փորձեցին մօտենալ Սաղախլու կայարանին ու Լամբալու գիւղին, բայց մեր հրետանիի կրակով յետ շարտւեցին: Նորից անցնելով յարձակման՝ մօտ 500 հոգով մտան Սաղախլու, իսկ մի ուրիշ զօրամաս գրաւեց 2660 բարձունքը: Մեր զրահասպատը կրակի բռնեց Սաղախլուն, ուր սկսել էր հաւաքւել թուրք զինւած խուժանը: Վրացիներն ու թուրքերը հեռացան Սաղախլուից և սկսեցին առաջ քաշել իրենց թնդանօթներն ու ուժբակոծել մեր զրահասպատը, որը, փոխ-տեղակալ Սուլթան-Շահի հրամանատարութեան տակ յանդուգն յարձակումներ էր գործում և ահաբէն վնաս պատճառում հակառակորդին: Մերոնք քանդեցին Սաղախլուից հիւսիս գտնուող երկաթուղու կամուրջը: Շուլաւերից առաջացող վրացիներն ու թուրքերը այրեցին Դամիա գիւղը: